

# O'RTA OSIYA ZIYOLILARINING MEHNAT TARBIYASI HAQIDAGI FIKR MULOHAZALARI

*Karimov Orif Obloqulovich<sup>1</sup>, Qo'chqarov Javohir<sup>2</sup>*

<sup>1</sup>A.Qodiriy nomidagi JDPI, Texnologik ta'lim kafedrasida o'qituvchisi,

<sup>2</sup>Texnologik ta'lim yo'nalishi 1-bosqich talabasi

e-mail: orifkarimov2020@gmail.com

*Annotatsiya.* Ushbu maqolada O'rta Osiyo ziyolilarining mehnat tarbiyasi haqidagi fikrlari bayon qilingan.

*Kalit so'zlar:* kasb, hunar, mehnat, mehnat tarbiyasi, ulug'lilik, havas, hasad, hikmat.

\*\*\*

*Аннотация.* В статье рассматриваются взгляды среднеазиатской интеллигенции на трудовое воспитание.

*Ключевые слова:* профессия, род занятий, труд, трудовое воспитание, величие, зависть, ревность, мудрость.

\*\*\*

*Abstract.* This article discusses the views of Central Asian intellectuals on labor education.

*Key words:* profession, occupation, labor, labor education, greatness, envy, jealousy, wisdom.

Hozirgi kunda ta'lim-tarbiya tarixiga nazar tashlar ekanmiz, dastlabki xalq og'zaki ijodi namunalariidan tortib, buyuk mutafakkir ijodigacha yoshlarni mehnat sevar bo'lib yetishi, kasb-hunar o'rganish mehnat ahlini hurmat qilish hamda mehnat insonni ulug'lash masalalariga alohida etibor berilganligiga guvoh bo'lamiz.

Alisher Navoiy, Abu Rayhon Beruniy, Abu Ali Ibn Sino, Abu Nasr Farobiy Abdulla Avloniy va shu kabi mutafakkirlarimizning farzand tarbiyasi va uning kamolati to'g'risida o'zasarlarida to'xtalib, yoshlarni odob-axloqli, jismoniy barkamolligi, aqlan yetuk, mehnatsevarligi hamda va tanparvarlik tarbiyasiga alohida etibor berib kelingan. Dunyo tamali mehnat asosiga qurilgan. Buni bexuda deb bilganlar zalolatga, bu yo'ldan yurganlar esa saodatga yuz buradilar. Mehnat hayot chirog'iga moy quyadi, tafakkur esa uni yoritadi. Bu hikmatni yoshlarimiz unutmasa ishlari o'ngidan keleveradi.

O'zingni mehnat kuni ovuting,

Ne g'am kelsa davrondin, osontuting.

Hazrat Navoiyning bu baytlariga osetin xalqining "ko'p ishlovchi ko'p yashaydi", degan maqolini ilova qilsa bo'ladi. Maqol oddiy gapga o'xshaydi, yani, ko'p ishlovchi jismonan baquvvat bo'ladi, har turli hastalik uni osonlik bilan yenga olmaydi. Maqolga yana bir ma'no yashiringan: ko'p ishlovchi odam o'zidan ko'p yaxshiliklar meros qoldiradi va uning nomi o'limdan keyin ham yashab qoladi. "Bu kashfiyotni falonchi olim qilgan", "Bu ko'prikni falonchi usta qurgan", "Bu bezakni

falonchi zargar yasagan”, “Bu boʻz yerlarni falonchi dehqon obod qilgan” kabi. Ogʻir mehnatning shirin mevalari mana shular boʻladi.

Mehnat tarbiyasi barcha zamonlarda va barcha jamiyatlarda buyuk huquq, buyuk zarurat hisoblagan. Madaniyat yuksakligi mehnatga boʻlgan muhabbatga bogʻlanadi. Oʻzgacharoq taʼbir bilan aytsak, madaniyat qanchalik yuksak boʻlsa, mehnat shunchalar yuksak qadrlanadi. Chunki mehnat hamisha inson hayoti va madaniyatining asosini tashkil etgan. Agar hayot kemasi mehnat langariga suyanmasa, hamma shamollaru dovullarga dosh berolmaydi. Bunday tarifalarni koʻpchilik biladi. Ammo bu haqiqatlarni yoshlar ongiga qanday singdirish kerak? Shiorlar bilanmiyo aniq harakatlar bilanmi? Dunyoda tirik jon borki, hammasi harakatda, hammasi mehnat bilan band. Lekin inson bilan boshqa tirik jonlar orasida “ong”, “vijdon”, “halollik” degan tushunchalar bor. Shunday ekan biz insonga xos tushunchalar asosidagi mehnatni, faqat oʻzigaemas, jamiyatga ham naf keltiradigan mehnatni nazarda tutushimiz kerak.

Beruniy mehnat tarbiyasi haqida quydagicha fikrlarni meros qilib qoldirgan. Mehnatga oʻrgangan odam saodatga erishadi. Chunki mehnat bilan band odamning yomonlik qilishga vaqti qolmaydi. Mehnatni sevis, gʻayrat va matonat bilan ishlashning uchta shirin mevasi bor: tan salomatligi, koʻngil rohati, aql va zehning ortishi. Mehnat insonni uch balodan asraydi: yurak siqilishidan, axloqiy buzulqikdan, muxtojlikdan. Mehnat mehmon boʻlmagan yer hech qachon baxt-saodat oʻrni boʻlaolmaydi. Inson mehnatdan toʻxtasa, kamolatdan ham toʻxtaydi. Chunki kamolat saroyining poydevori ham, devoir ham mehnatdir. Mehnat hosili bilan yashagan inson oʻz erkiga hokim, yulgʻichlik bilan boylik toʻplagan hasis esa oʻziga zolim. Hikmat ahli aytganidek, vujudimiz – yerniki, sharaflil ishlarimiz – elniki! “Insonning tilak va xohishlari mehnat tufayligina amalga oshrilishi mumkin, - deb yozganlar Beruniy hazratlari. Shon shavkatga, martabaga mehnatsiz erishgan kishi hurmatga loyiqmi? Yuqori martabaga mehnatsiz erishgan kishi maʼlum bir muddat ichida rohat vafarogʻatda yashaydi, yaxshi kiyinadi. Ammo u ulugʻlik libosidan maxrum, yalangʻoch kimsadir”. Yaxshinomni mehnat bilan ortirish kerak, yaxshi nom chiroyli soʻzlar uchun, vadalar uchun berilmaydi. Balki mehnat natijasi uchun, mehnatga astoydil qoʻyilgan mehr uchun beriladi.

Bir narsaga diqqat qilish kerak: harom luqma topayotgan ham mehnat qiladi. Lekin uning mehnati jamiyatga naf bermagani, aksincha boshqa birovlariga zarar keltirgani uchun savodan mahrumdir. Bu hayrli mehnat doirasiga kiritish nojoizdir. Asalari, qovoqari ham, it pashsha ham mehnat qiladi. Lekin mehnatlarining natijasi qanday?

Quvvati va toqati yetmagan ishga kirishib, oʻziga zahmat va mashaqqatni yuklash ham toʻgʻri emas. Oʻziga va xalqqa manfaati tegmaydigan ishlar bilan mashgʻul boʻlib, umrni zoye ketkazishdan saqlanish kerak. Har bir ishga samimiy

do'stlarning ittifoqi va maslahatlari bilan kirishilgani ma'qul. Kishi kuchi yetadigan ishga mayl qilmay, nomunosib ishga qadam qo'ysa, oqibatda uddasidan chiqqolmay, pushaymon yeydi.

Abu Ali Ibn Sino o'z asarlarida kishilar halol mehnat qilishga hamda mehnat hayot uchun eng zarur omil ekanligini ta'kidlaydi. "Tadbirli manozil" asarida barcha jamiyat a'zolarini dehqonchilik, hunarmandchilik, chorvachilik bilan shugullanib, xalqqa foyda keltirishlari kerakligini uqtiradi. Ibn Sinoning fikricha, mehnatsiz hayot kechirish kishini jismoniy va ruhiy tomondan ezadi. Bunday hayot kechirish yomon oqibatlarga olib kelishini tushuntirib, ota onalarning o'z bolalariga yoshligidan boshlab mehnat tarbiyasini berish zarurligini aytadi. Uning fikricha, bolaga yoshligidan boshlab ma'lum bir kasbga o'rgatish lozim. Chunki bola kasb-hunarni ma'lum darajada o'zlashtirib bo'lgandan so'ng uni o'sha paytlardan boshlab, o'z kasb hunaridan foydalanish, yani, halol mehnat bilan mustaqil hayot kechirishga o'rgatish kerak.

Abu Nasr Farobiy bolalarni yoshligidan boshlab mehnat va mehnatsevarlik ruhida tarbiyalash hamda o'ziga yoqqan ish bilan mashg'ul bo'lishi, asta sekin o'zi qiziqqan biron bir kasbni egallashi zarurligi hamda barcha hunarlarni bir yo'la egallab bo'lmasligini ifodalab, shunday deydi: "Har bir kishiga biriktirilgan ma'lum bir ish bo'lishi kerak, toki u kishiga o'ziga biriktirilgan ishni kechiktirmasdan o'z vaqtida bajarsin".

Abdulla Avloniy "Turkiy guliston yoxud axloq" asarida mehnat insonni bezaydigan muhim sifat ekanligi, yalqovlik va dangasalik esa insonga mos xususiyat emasligini alohida ta'kidlab o'tadi. U mehnatni yaxshi yoki yomon bo'lmasligi va bolalarni har bir ishni bajarishga o'rgatish kerakligi bu esa bolalarni yuksak kamolotga olib chiqishga va saodatga erishishga yaqindan ko'mak berishini takidlaydi.

Buyuk mutafakkirlarning mehnat tarbiyasi xususidagi fikrlari bugungi kunda ham muhim ahamiyat kasb etib, bolalarni mehnatsevar qilib tarbiyalashda vosita bo'lib xizmat qiladi.

### **Foydalanilgan adabiyotlar**

1. S.Hasanov Mutafakkirlar mehnat tarbiyasi haqida. Toshkent. O'qituvchi. 2003-yil
2. T.Malik Saodat saroyining kaliti Toshkent "Yangi asr avlodi" 2018-yil
3. A. Avloniy Turkiy guliston yoxud axloq T.: "O'qituvchi" 1992-yil
- 4.Оришев Ж.Б.,Оришева З.Х. Ёш авлодни касб-хунарга йўналтиришда шарқона қарашлар ва педагогик масалалар // "Абай Қўнанбоев ва шарқ мутафаккирларининг педагогик қарашлари" мавзусидаги халқаро илмий-амалий анжуман материаллари. Жиззах. 2020 й. Б.83-85
5. Ziyonet.uz